

ODLUKA

**O PRIHVATANJU ZADUŽENJA PO SPORAZUMU O FINANSIRANJU IZMEĐU
BOSNE I HERCEGOVINE I MEĐUNARODNOG FONDA ZA POLJOPRIVREDNI
RAZVOJ (IFAD) ZA REALIZACIJU PROJEKTA PROGRAM RAZVOJA RURALNE
KONKURENTNOSTI (RCDP)**

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16), Parlament Federacije Bosne i Hercegovine je na sjednici Predstavničkog doma održanoj 8.11.2016. godine i na sjednici Doma naroda održanoj 8.12.2016. godine, donio

ODLUKU

O PRIHVATANJU ZADUŽENJA PO SPORAZUMU O FINANSIRANJU IZMEĐU BOSNE I HERCEGOVINE I MEĐUNARODNOG FONDA ZA POLJOPRIVREDNI RAZVOJ (IFAD) ZA REALIZACIJU PROJEKTA PROGRAM RAZVOJA RURALNE KONKURENTNOSTI (RCDP)

I.

Prihvata se zaduženje Federacije Bosne i Hercegovine (u daljem tekstu: Federacija), po Sporazumu o finansiranju (u daljnjem tekstu: Sporazum) između Bosne i Hercegovine i Međunarodnog fonda za poljoprivredni razvoj (u daljnjem tekstu: IFAD), u iznosu do 6.440.000,00 EUR što iznosi cca 60 % od ukupno odobrenih sredstava za Bosnu i Hercegovinu koja iznose 11.120.000,00 EUR.

II.

Sredstva Sporazuma iz tačke I. ove Odluke koristit će se za finansiranje Projekta Program razvoja ruralne konkurentnosti (u daljnjem tekstu: Projekt).

Primarni cilj Projekta je smanjenje siromaštva na selu kroz povećanje prihoda ciljne grupe i osnaživanje njihove sposobnosti brzog oporavljanja gradeći profitabilna farmska i ne-farmska preduzeća.

III.

Sredstva Sporazuma iz tačke I. ove Odluke, odobravaju se Federaciji pod sljedećim uslovima:

- rok otplate (uključen grace period):.....18 godina
- grace period:.....3 godine
- kamatna stopa:.....0 %
- troškovi servisiranja duga:.....0,75 %
- dospijeća:.....polugodišnja
- datumi plaćanja glavnice i kamata:.....15. februar i 15. august svake godine.

IV.

Potvrđuje se da je razmatrana dokumentacija prihvatljiva za Federaciju, a posebno:

- Sporazum o finansiranju projekta (Program razvoja ruralne konkurentnosti) između Bosne i Hercegovine i IFAD-a;
- Nacrt Supsidijarnog sporazuma (Program razvoja ruralne konkurentnosti) između Bosne i Hercegovine i Federacije.

V.

U periodu implementacije Projekta, u budžetu Federacije potrebno je osigurati dodatna finansijska sredstva za sufinansiranje Projekta u iznosu od 1.580.000,00 KM.

VI.

Daje se saglasnost za zaključivanje Supsidijarnog sporazuma između Bosne i Hercegovine i Federacije za sredstva iz tačke I. ove Odluke.

Za potpisivanje Supsidijarnog sporazuma ovlašćuje se federalni ministar finansija.

VII.

Za realizaciju ove Odluke i izvještavanje zadužuju se Federalno ministarstvo finansija i Jedinica za koordinaciju projekta (PCU), formirana pri Federalnom ministarstvu poljoprivrede, vodoprivrede i šumarstva, svako u okviru svoje nadležnosti.

VIII.

Implementacija Sporazuma iz tačke I. ove Odluke ne zahtijeva donošenje novih ili izmjenu postojećih zakona.

IX.

Ova Odluka stupa na snagu narednog dana od dana objavljivanja u "Službenim novinama Federacije BiH".

PF broj: 01,02-02-1236/16
8.12.2016. godine

S a r a j e v o

PREDSJEDAVAJUĆA
DOMA NARODA
PARLAMENTA FEDERACIJE BiH

Lidija Bradara

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BiH

Edin Mušić